





ADVERTISSEMENT

AVROY

TRES-CHRESTIEN,

CHARLES DE BOVRBON,  
dixiesme de ce nom.

AVEC

VNE REMONSTRANCE

*aux Prelatz de France, demonstrative de  
l'extresme misere de ce temps.*

28

Par IACQUES BARON, Licentié és droitz,  
desirant humble salut, & Obeyssance.

*Remonstrer*



*Sejong 19177*

A PARIS,

Pour la Veufue de F. Plumion, demeurant rue des  
Ratz, à l'enseigne S. Jean l'Evangéliste, de-  
uant le petit Nauarre.

M., D. LXXXIX.

*Auec permission.*

Care

F

39

326

1589. ax

THE NEWBERRY  
LIBRARY



AV ROY TRES-CHRESTIEN  
CHARLES DE BOVRBON:  
& Prelatz de France.

**R**OY Tres-chrestié, & vous Prelats Illustrissimes, l'an passé & presët, vo' auez cogneu à l'œil plus que suffisamment, la façon & maniere, par lesquels la puissance seculiere de ce Royaume: s'est enforcée, totalement *Subuertir, la splendeur*, le guydon, & gouuernemët de l'Eglise Catholique & pour plus faulemët y paruenir, en ensuiuât les vestiges de l'ennemy, ancië du genre humain, Il a fait autât iniquemët: que cruellement: par fraudes & traïsons couuertes, enleuer deux coulomnes de ladiëte Eglise, pour donner terreur au reste, Mesme contre sa foy iurée, sur la saincte Hostie à Bloys, Il ait aussi contre la liberté du Royaume, fidelité par lui

baillée, & contre toute disposition de droit, Iniuſtemēt fait emprisonner princes & Prelats du dict Roiaume, les a fait garder, & mal traicter. A raiſon duquel fait tant enorme & meſchant: le peuple Chreſtien a eſté tellement perturbede: qu'il a quaſi changé le pied droit: Toutesfois Dieu tout puisſant, lequel à ſa ſeu- le parole toutes choſes ont eſté faiçtes, Meſme à ſa volonté toutes choſes ſont examinées, & conſervées, Eſtât fidele en ſes promeſſes, & voulāt accomplir icelles, entre les pailles: Il s'eſt reſerué quelques bons grains. Du nombre deſquels eſt ſe Princeſ excellent: Charles de Lorraine frere des deux homicides, lequel (par diſpoſition diuine) eſt demeuré en ſanté, par la diligence trauail, & veilles duquel; Comme frere tref-aymee, avec le ſacré conſeil de l'Vnion Catholique: grande partie, du troupeaux Catholique eſt demeuré ſtable; & n'a pas flechy les genoulx deuant Baal, lequel:

Toutesfois à la similitude de Pharaon, Absalō, & Iheroboam, c'est esforcé par tous ses moiens, par trahison couuerte aussi, du tout enleuer de la terre, l'espouse de Dieu, faire massacrer tous les freres, enfans adoptiues d'icelle, coheritiere de Iesus Christ (Mais en vain) d'autant que la prouidence diuine, au clein de l'œil, s'est prendre vengeance de ses ennemis les plus cruels; doncques estant, esmuë par iugement iuste, elle a preueni l'impieté du tyran cruel, & à mis fin à sa tiranie: Mais ie vous dy aussi à propos, que iadis Iudith, enleua la teste à Holophernes, aupres de la ville de Bethulie: Mais d'autant que le confederee au mort, est viuant: embrassant son impieté, & pensant encores faire pire, Comme de fait il est aussi mēbre pourri, & retraché, iustement de l'Eglise Catholique, des y a plusieurs années, estimāt (en vain. Toutesfois) regiber cōtre l'esperon, sous pretexte de vengeance de

la mort du predecédé Tyran; estant supporté par les meschans, il menasse prendre la l'vne aux dents, & s'esforce enuahirla couronne, & gouvernemēt de ce Royaume, & d'autāt que des choses futures, la determinatiō est incertaine, & que la fureur de l'ennemi est en vigueur oculatiue, suiuant l'intention de S. Paul. Il n'est besoing: no<sup>t</sup> exalter, Ains il faut demeurer subiect & en crainte, d'autāt que Dieu anciennement n'ayāt pardōné a l'estoc a raison des peschez du peuple, & Clergé, parauanture ne pardonnera il pas ausi a nous, qui sommes les rameaulx, *Pource est il Roy*, Tres-debonnaire (auec licence) de vostre Maiesté, & de Messieurs les Prelats, reuerēdisime: Je tacheré proposer quelques remedes salubres, pour la conseruation, manutētiō, *Et deffences du troupeau Catholiques*, cōtre les embuscades du diable, & sa sequelle, Et en premier lieu suiuant l'intētiō de S. Pierre, vn sainct & salutaire re-

mede est; que vn chacun du profond de son cœur, purge les vices qu'il ait en l'entendement, ame, & conscience. Secondement que chacun considère, & pese, son estat, qualité, & charge; Tiercement que chacun confesse avec le Psalmiste, qu'il n'y a homme qui face bien, voire iusques à vn seul. En quatriesme lieu, que chacū face fructifier le dó que Dieu liuy ait octroyé, suiuant sa vacation, En cinquiesme lieu que chacū embrasse librement de toute sa puissance, la pieté, iustice & Religio diuine, & Chrestienne. En sixiesme lieu, suiuant l'intentiō de S. Paul, que chacū ayt à subuenir, & aider aux, pāures, veufues, & pupilles. En septiesme lieu que chacū abhorre les Scismes, heresies, & pouruiue de toute sa puissance, les perturbateurs del'Eglise Sainte & Catholique; Et a raison que ceux qui sōt douez des plus excellentes dignitez en terre, *Sont aussi tenuz*, supporter les plus pesāz fardeaux, auant les autres. Et d'autant que

la Majesté Royale, & dignité Pontificale, a bon droit: obtiennent les premiers réd, & en l'Eglise Catholique. Dōcques en iceux la premiere, diligence & soing de l'Eglise militate doit tousiours estre preste, & adherer au susdictes dignitez. Partant vous Roy & Prelatz, suivant la charge de voz dignitées, & offices Pastorales, en adherāt aux sainctes admonitions, du glorieux Martyr saint Thomas Archeuesque de Canthurbie, de toutes mes forces, nerfs, & affections: *Je supplie tres-hüblemēt & du profond*, de mō cœur requier, & inuoque vostre Majesté Royale, & les insines paternitez de messieurs les Prelatz, que en l'honneur de Dieu; de sa Saincte misericorde, & Passion tres-amere; Il vous plaise vous munir du glaive, & auctorité iuridictionnelle: Aussi du glaive de là parole de Dieu tout puissant; Affin que valeureusement ensemble, & constamment, puissions à l'aduenir resister a l'encontre des malins

malins, iniques, persecuteurs de l'Eglise Catholique, & des Chrestiens. Lesquels aujourdhui (à mon regret) sont plus en nombre que l'on ne desiroit. Qui procurent & s'esforcēt enleuer l'ame, (Sçauoir l'auctorité) de l'Eglise Catholique; la iurisdiction & puissance d'icelle, & le nombre des saints Sacrements, dignités, graces & effectz d'iceux, & qu'est pis; Ils tachēt enleuer, abolir & arracher, l'hōmage, adoratiō, & Religiō de Dieu viuant: Aussi la reuerance de ses saints: & par iniures, armes, & violences, enuahir, raurir, & enleuer, le Sanctuaire de Dieu, & conuertir le Patrimoine de l'Eglise en leurs vsages malins, & prophanes. Pource est il, qu'il faut diligenter vnanimemēt d'vn Cœur & ferueur entiere, obuier a ce, empescher, & briue-ment s'y opposer, & en chasque Diocese du Roiaume, les faire poursuiure & expulser hors, *Craignant que l'hire de Dieu descendant du Ciel sur les meschans, ne*

offence aussi les bons, en ensuiuiant l'ex-  
 emple de saint Iean l'Euangeliste, le-  
 quel ne voulut entrer aux bains pour s'y  
 lauer, craignant qu'ils ne tumbassent; à  
 raison de l'impieté de Cherinte hereti-  
 ques, lequel estoit lors ausdicts bains; &  
 que par tels inconueniens S. Iean fut ac-  
 cablé avec lui; D'ocques il faut craindre  
 que a raisõ de l'impieté des hereticques,  
 Scismaticques, & reprouuez: l'indigna-  
 tion; de Dieu ne tombe sur le Roiaume  
 de France, pour la negligence, dissimu-  
 lation, & frequentatiõ desdicts heretic-  
 ques, & que vengeance rigoureuse ne  
 descende du Ciel: Comme elle fist iadis  
 sur Choré, d'Atham, & Abiron: lesquels  
 (s'estât la terre ouuerte) descédirent vi-  
 uans aux enfers. Il faut aussi craindre,  
 d'estre accusé d'ingratitude enuers  
 Dieu; & estre reputez chiens muets, ne  
 criant point contre le vice, comme le  
 Prophete improperoit anciennement:  
 Craignant aussi que le prouerbe ancien

impropere, aux interpretes & gardiens  
 de la loi *Mosaïque*, ne soit repetée, disant  
 (*A seniorib⁹ egressit est iniquitas*): Pource  
 est il, que maintenant il faut postposer  
 l'honneur, vtilité propre, & commodi-  
 té peculiere, & que chacun se consac-  
 cre & dedie au seruice de Dieu, vtilité  
 de la Religion Catholique, de l'Eglise  
 sainte, & respublicque Chrestienne,  
 cōme de fait par droit diuin & humain,  
 chacun y est tenu. Vous doncques Roy  
 Tres-chrestie, qui outre la dignité Epis-  
 copale, par grace diuine, auez depuis  
 peux de iours en çà receu: aussi la dignité  
 Royale en ce Roiaume, avec les Prelatz  
 d'icelluy, Entendu qu'il est question de  
 la conseruation, manutentiō, & restau-  
 ration de l'Eglise, & Religion Catholique,  
 en meilleur estat que du passé. Ceste  
 charge & office auāt tous autres, ius-  
 tement vous appertient. Car l'Epouse;  
 que l'espoux vous, ayt specialement cō-  
 mis, elle est vne seule, partant par droit

diuin, elle doit estre gardées & conser-  
 uee cōtre les hommes impies, & peruer-  
 ses : Craignant que Dieu n'afflige son  
 peuple par peine d'exheredation: lequel  
 peuple vous est commis, & duquel aussi  
 il vous faut rendre raison exacte deuant  
 son Tronne, Mesmes vous est obligées:  
 rendre ame pour ame, A vous certaine-  
 nement nom par soy seul; Dieu vous a  
 commis son Eglise: Mais aussi par ses Pa-  
 triarches, Prophetes, Apostre, Martyrs,  
 confesseurs, & Docteurs: Il vous la bail-  
 le en garde, comme son espouse bien  
 chere: Affin que vous la gardie, & con-  
 seruiez, des morsures du *Diable & ses*  
*suppotz* les hereticques, faulseurs & ad-  
 heras en iceux. Disant si vous ne denō-  
 cez aux impies leurs iniquitez, aux per-  
 uerfes leurs delicts, aux Scismaticques  
 & hereticques leurs crismes & iniqui-  
 tez, & que iceux meurēt en leur pechez  
 & iniquitez, ie repeteré, & rechercheré  
 le sang d'iceux de vos mains. Car ceux

qui font mal, & ceux qui consentent au mal: sont punissable de mesmes peine, & qui consent avec les délinquas; & ne les empesche à faire mal, il est maudict envers Dieu, tesmoings Salomō: Et qui cōserue les criminels, doit estre plus rigoureusement puny, que les mesmes criminels. Et ceux qui ont puissāce, auctorité, & pouuoir, de punir, et corriger les heretiques, & pecheurs; & ils ne le font pas: tacitemēt ils cōsentent a leurs heresies, offences, & pechez; Dōcques il faut corriger les heretiques, cōme criminel de les Maie<sup>sté</sup> Diuine, & perturbateurs du dit Royaume. Mesmes del'Eglise & Religion Catholique: Car elle doit estre vne seule, *Affin que dignement elle soit referre a son centre, & obiecte*; qu'est vn Dieu: Car tout ainsi que vnitē n'est pas vn nombre; *Ains le commencement* de tous nombres: & toutesfois par icelle multipliée sont faicts tous nombres. Aussi combien que Dieu ne soit pas vne crea-

ture popable. Neantmoins il est l'origine & premiere cause de toutes creatures; partāt toutes creatures, cōme proueu nātes de Dieu: ont vn mesmes objecte, qu'est Dieu, par consequēt toutes creatures raisonnables: doiuent necessairement auoir vne mesme volonté, & tenir vne mesme foy, & Religion. Car la diuersité en Religion, engendre & cōsoit contrarieté, Et en Dieu il n'y a nulle contrarieté. Pareillemēt en l'Eglise Catholique, il n'y doit point auoir Religion dissemblable. Et d'autant que vous estes les mēbres principaux de l'Eglise Catholique, en ce Royaume; & que reuez les premiers rēds en icelle; à la similitude du Pylot & Patron de Nauire; Aussi qu'il vous est notoire, que de iour en iour: les hereticques, & Scismaticques augmentent, & sement des blasphemes, impietez, & erreurs; contre nostre mere sainte Eglise Catholique; à la similitude de Luther, Caluin, Caro-

lestade, Beze, & semblables hōmes im-  
 pies, ont fait en leurs temps. *Il faut dili-*  
*genter à appliquer* le ferrement & cau-  
 there contrē iceux : suyuant la resolutiō  
 de se digne Docteur saint Augustin,  
 Car par droit diuin ( qu'est plus ancien  
 & plus digne que tous autres droicts ).  
 ce que dessus vous est commis & mādē  
 de Dieu. Commandes doncques main-  
 tenant à la puissante ; iustice, & bras se-  
 culier : qu'ils accomplissent ce que des-  
 sus. Et qu'ils en laissent exemple salutai-  
 re à la posterité ; Affin que saisi de crain-  
 te, Ils se donnent de garde de cōmet-  
 tre choses semblables : cōtre Dieu, sain-  
 te Eglise, Religion, & peuple Chre-  
 tiens ; Craignant qu'ils ne tombent en  
 apres en la semblables. Et lors vous ver-  
 rez l'Eglise de Dieu, & la sainte Reli-  
 gion, & protecteurs de la foy ; de iour  
 en iour croistre, augmenrer & multi-  
 plier. Certainement c'est le propre &  
 peculiere de l'Eglise *Catholicques : de*

vaincre, *lors* quelle est bleſſee par les meſchans. Et de bien entendre lors quelle est arguee & meſpriſee: obtenir auſſi le palme de victoire, lors quelle est delaifſee des humains. Ne voyez vo<sup>r</sup> pas que la fille de Siõ est tenue captifue en pluſieurs lieux, par ces enueloppez en hereſie; Et combien quelle ſoit l'eſpouſe du grand Roy: elle est long-temps oppreſſee, & affligee: par ceux qui l'ont hay. Sans toutesſois aucune cauſe iuſte: Ains au contraire: elle deburoit eſtre conſeruee, reuersee & honoree, par iceux à raiſon du lait, miel, & douceur, quelle leur à par cy deuant fait diſtribuer (en vain. Toutesſois) d'autāt qu'ils ſont ingratz, & n'ont memoire de ſi grand benefice: & pourſuyuent à leur grand detrimēt, & confuſſion, leur propre mere; comme ſi elle eſtoit eſtrangere, & arriuee de Nouël; Ils les denyent, l'abhorrēt, & dedaignent: abuſans temerairement du tādre, & doux nom de François, en leur meſpris

mespris & honte: Ils ont delaissés le gyron de leur mere, l'ont prophanez; persecutez, & vilipendez, & continuellement: Ils iette tous genre de blasphemmes contre icelle? O impies ô chelertes; & plus que viperins, hōmes reprouez? Mieux vous fut, estés avec Iudas Iscariotes, q̄ ne fuciés iamais estē n'ayes, Nous ne cherchons pas leur ruine: Ains au contraire: nous desirons, & souhaitons iournellement leur conuersion; & qu'ils se retournent & reunissent au gyron de nostre mere Sainte Eglise Catholique: *Mais ie crains que leur cœur, à la similitude de Pharaon, & de Iulian l'Apostat ne soit endurcy: & priué de la rosée celeste, tellement qu'il ne pourra reprēdre vigueur: S'il n'est preuenü par la grace diuine, preuenant gratuitement & nom meritoirement; à la similitude de saint Pierre, saint Paul, la Magdelaine, le bon Larron, saint Augustin, saint Iulian, et leurs semblables. Donc-*

ques qu'ils brisent & frappent leur cœurs  
 & poitrines endurcies : Affin qu'ils  
 puissent estre mollifiez & ouers, & qu'ils  
 soient renduz dignes, d'estre arrousez  
 & baignez de la grace du S. Esprit : &  
 qu'ils soient faicts capables de la rece-  
 ption de la grace d'enhaut, preuenant  
 benignement ; En verité c'est le propre  
 des Chrestiens, ( en ensuiuant les vesti-  
 ges & cétiers de leur mere, aussi de leur  
 pere *Adoptiues Iesus Christ*, en adherant  
 à leurs mandemens) tousiour desirer : &  
 souhaiter aux penitens : Bié pour le mal  
 receu. Et ce d'autant que c'est chose hu-  
 maine que faillir. C'est aussi fait d'un  
 Ange de corriger, & amāder sa mauuai-  
 se vie en vne meilleure. Mais faire cho-  
 ses peruerfes contre equité : & y conti-  
 nuer s'est le fait du diable. Sus dōcques,  
 ô vaillās cheualiers, proteſteurs, & des-  
 fenseurs de l'Eglise, & Religion Catho-  
 licque? rompez l'ardile, & vous opposez  
 virillement contre les ennemis de la re-

ligion Chrestienne, & poursuyuez les  
 endurcis en leur impietez . Et pource  
 que souuent la retardation des choses,  
 attire apres soy vn danger grand ; Aussi  
 que les choses trop longuement differ-  
 res , ont souuentes-fois plus de vice  
 que de vertus ; Pource est il , que de  
 rechef : Je vous supplie & exhorte e-  
 stre promptement enflambés du doibt  
 de Dieu qu'est la grace du s. Esprit. Cõ-  
 me d'un don d'enhaut ; auec le zeile de  
 Charité, enuers la Colombe de Iesus-  
 Christ ; a ce que cy apres elle puisse en-  
 fanter des paulcymes a Dieu, & a l'Egli-  
 se catholicque, qui soient agreables,  
 amiables, & dociles : affin que la paix de  
 Dieu puisse estre espanduee sur iceux.  
 Tellement que leur sens, volõté, & op-  
 pinion, cy apres ; soit pour subuenir a la  
 restauratiõ de nostre mere saincte Egli-  
 se, aussi que le nombre des sept Sacre-  
 mens y puisse estre restablys, reuerés, &  
 exercés, sans contradictions, ny oppo-

sitions. Commē ont fait les annees passees, les hommes perfides & mal *sentant de Dieu*). Mais ils ont surce receu leur loüyer. Car la peine suit tousiours le peché: comme l'vmbre suit le corps solide; Maintenant doncques il faut negliger les choses temporelles, & faut diligemment soigner aux choses spirituelles. car celuy qui neglige les choses spirituelles: a raison des tēporelles; Il aduiēt souuent qu'il est priué de toutes deux. N'auons nous pas vn exēple manifeste, au dernier Vallois; Lequel par sa *propre malice*, à la semblance de Iulian l'Apostat; Il a demonstéré qu'il estoit Priué de la vie naturelle, & spirituelle, ensemblement. La raison est prōpte: car le cœur qui n'est contrist, ne merite grace aucune. A bon droict doncques fault il enfuyure, & embrasser l'exemple de Sainct Pierre, plustost que des hommes terrestres, lesquels souuent ont le cœur fiché en la fange, & negligent les

sublimes secretz de la foy, Et d'autant  
 que speciallemēt: *A vous est donné la char-*  
*ge, regiment, & gouuernement de l'Es-*  
*pouse de Iesus-Christ. Affin que redu-*  
*siez, & restauriés tout en meilleur for-*  
*me: pour le salut des ames fidelles, Aus-*  
*si pour l'honneur loüange & gloire de*  
*Dieu tout-puissant, Le troupeau des fi-*  
*delles ait esté speciallemēt commis à S.*  
*Pierre; par Iesu-Christ: disant paix mes*  
*brebis & agneaulx, & ceux que tu deli-*  
*ureras de mon troupeau sur la terre. Ils*  
*seront aussi deliurez au Ciel. A quel des*  
*Empereurs ou Roys; Dieu à donné tel*  
*mādemēt où puissance? Certainemēt*  
*a pas vn, C'est puissance ayt esté donnee*  
*au chef des Apostres. Et en apres elle ait*  
*esté donnee à tous les successeurs de S.*  
*Pierre en l'Eglise Catholique: Mesmes*  
*aux Euesques canonnicquement ordō-*  
*nez & sacrez, Et entrans legitimement*  
*en la bergerye. Vray est que l'Eglise Ca-*  
*tholique à deux couteaux: Sçauoir le*

premier d'autorité, & le second de iurisdiction. Ceste auctorité demeure tousiours en l'Eglise, qu'est gouvernee par le *S. Esprist*, le *conleau* de Iurisdiction, est districte à la puissance seculiere, pour la conservation des bons Chrestiens : & pour vengeance des meschans: cōme les Scismaticques, hereticques, & hommes athées; Et cōtre le glaiue d'auctorité, *puissance de l'Eglise*, les puissance du diable: n'y porte d'enfer, n'auront puissances, nul vray Chrestiens; peult aussi nyer iustement; que la puissance d'auctorité du glaiue ne soit espondue aux successeurs, & Euesques des Eglises Catholicques; tout ainsi que les ruisseaulx descendent du premier sours de la fontaine; Ains d'abondant, chacun Chrestien peur fermement assurer: que la dignité sacerdotale, est plus excellente, que quelconque dignité temporelle. Soit imperiale, regale, ducale, ou noble. Quel des Emperours, Roys, Ducs, où nobles par sa

dignité, temporelle, ait eu puissance de consacrer, & faire le vray, Reel, corporel, & Sacramétel Corps de Iesu-Christ? Aussi qui est celuy d'iceux, qui aye *Ja-  
mais peu donner* absolution legitime; de ses pechez, a vn penitent? ( Certainemēt pas vn, ) Et qui plus est les Anges mesmes, par puissance ordinaire, ne le sçauent faire; A bon droit doncques, les *Preb-  
stres*, sont appelez les Peres, maistres, & Recteurs des Empereurs, Roys, Ducs, Nobles, & tous chrestiens; Et les autres puissances seculiere, dominant, & agissent sur la terre, & choses caducques. Dorefnauant auront occasion se taire; ceux qui ont par cy deuant voulu preferer les choses prophanes, & terrestres aux choses spirituelles: quelque nom quelles puissent auoir. C'est vous doncques que Dieu ait enuoyé en sa vigne, affin que plantiés, couppiés, & arrachiés; ce qui sera necessaire, a plâter, couper, & ar charger, et notez que ce.

la n'est pas fait pour offenser les Chrestiens; N'y aussi pour esleuer les cornes aux *Scismaticques hereticques*, Sacrileges, scelerates, & hommes athees. Ains au contraire; affin que ce qu'est necessaire, soit distribué aux pauvres, aux veufues, & pupilles, en temps oportun; D'avantage: il faut *qu'il aye soing de la Iustice* distribué aux Chrestiens, quelle soit iustement exercee: suyuant les commandemens de Dieu. Affin que la pieté, Iustice, équité, & l'honneur de Dieu, soit maintenuz & conserués. Or maintenant vous auez entendu qu'en plusieurs parties du Royaume, la Religion Catholique est mesprisee: Aussi l'Eglise Catholique, & *Ministres d'icelle*; non pas seulement aux choses terrestres: Mais aussi aux effets del'ame; & iournellemēt la dignité Sacerdotale est mesprisee: (Combien que par les raisons susdictes, elle surpasse toutes dignitez temporelle,) & leur fait en contumelies; c'est a vous

vous diligemment, & exactement corriger *les forfaits* : A la terreur de ceux qui viendront, & pour exemple future. Doncques entant qu'il m'est possible, puis, & deuois, de rechef ie supplie & exorte vostre Royale Majesté, & dignité Espiscopale; affin qu'enuers les choses susdictes, toutes dilatiō, lōganimités, & subterfuges soyent totallemēt reiectés. craignant que entre telles retardatiues & demeures, le trophée de l'Eglise catholique, le Sceptres de Iustice, & la Religion Chrestienne n'en reçoient detrimēt, & si par fortune ; Ils sont negligez, Il y a crainte, qu'ils ne puissent estre transferé, comme d'une gente tepide; *Comme il est aduenu aux Chrestiens de la Palestine, qu'estoient tepides, comme tesmoigne S. Iean, en son Apochalypse & reuelatiōs; Sy par cy deuant, la negligēce, & taciturnité ayt eu, trop de puissance en ce Royaume, les ans passés.* Maintenant reprenez voz

forces: Car il est besoing de crier, & exalter les voix enuers Dieu. Car la pieté Chrestienne n'est pas conseruee par l'homme terrestre; Ains par les dons & graces de Dieu. Car tesmoing le Psalmiste aux fils des hommes: Il n'y à nul salut; Ains en Dieu & nostre mere sainte Eglise son Espouse, aufquels nous mettôs nostre esperance: Car en iceux consiste le salut, Redemptiõ, & gloire des ames, Concluant doncques; le exhorte chacû des Chrestiens, qu'il retourne en soy, & en son ame; qu'il pense de son estat, & qu'il aprehende trois choses reseruee a Dieu, *Sçauoir* les secretz des cœurs, la vengeance des offences; & le iugement *particulier & general*. Par apres nul ne pourra presumer, n'y soy persuader que Dieu puisse ignorer quelque chose, & qu'il ne soit tout puissant, & qu'il rendra à vn chacun, pour son merite, où son delict, comme iuste Iuge. Doncques si par cy deuant; Il y a quelque chose exiguee,

faicte, ou conceüe, sinistrement, Maintenant il faut auoir soing, que le tout soit reduict a meilleur fin, car enuers Dieu; il n'y à nulle exception de personne. Et d'autant que par le lien de charité: & de l'Vnion catholicque sacree, nous deuõs estre vn corps, à la similitude de plusieurs grains *de froment: desquelz* est fait vn pain. Et ainsi par vne mutuelle pieté, pour la sustentation, manutention, & conseruation de sainte Eglise catholicque: & Ministres d'icelles, & de droit d'equité nous y sommes tenuz: affin de ne laisser mauuais exemple à nostre posterité; autrement lors l'erreur seroit pire que le premier. Ioinct que les exemples mauuais sont plustost suyui que les bons; Je confesse que l'Eglise Catholique, pour la tepidité & negligence des chrestiens peut deffaillir en aucuns lieux, estre agitée, secluse, & abrogee: Mais quelle puisse totalement estre aneantie: Je le nye: car elle se contante de peu,

& n'est atterrie par la multitude de ses ennemis. Ce qui me contraint de rechef dire & proposer; qu'il vous plaise donner ordre au peuple Chrestien, François. N'avez vous pas leu, que Arius par vne petite estincelle, en la ville d'Alexádríe; (l'Euesque du lieu dissimulant,) toute la cité, apres l'Egypte, la Grece, & l'Vroppe par tel iniquité, ait esté vexées, & travaillées l'espace de trois cens ans? Et depuis: voyez Luther qui a quasi tout gasté l'Alemaigne, Calvin les Suysses, Beze la France, avec ses sectateurs, quasi toute l'Europe, est gastee, de sa doctrine pestillente, & mortifere. Et sçachez que l'Eglise de Dieu ne se gouverne point par illusions, fantaisies, hypochrisie, dissimulations, erreurs, n'y temerité, *N'y mesmes par audace*, & encore moins par impieté, Ains par pieté, oraisons contritions, l'armes, Ieusnes, & aumosnes, nostre mere Saincte Eglise est resiouye, Partant maintenant vous

deuons vacquer, à pieté, oraison, con-  
 trition, l'arines, ieufnes, & aumosnes, &  
 aussi conuertir noz ames, & rendre icel-  
 les pieuses Catholiques & docilles, Et  
 en ce faisant nous aurons Dieu propice,  
 fauorable, & exorable. Et S'il aduient  
 du contraire, Dieu nous priuera de  
 sa grace, permettra noz cœurs d'e-  
 stre endurez, & nous tomberons en  
 sens reprobuez, & finalement il com-  
 mandera, que son iuste iugement soyt  
 par ses Anges executé contre nous:  
 comme resprouuez; Comme nous  
 auons dernièrement veu à l'œil, ex-  
 emple semblable. Et affin que telles  
 choses soient esloignées de nous, le supplie  
 humblement, requier & inuocque le  
 grand Dieu tout puissant, qu'il luy plai-  
 se auoir mercy, & misericorde de nous,  
 & qu'il induise sur nous son visaige  
 saint, Affin que estans illuminez de sa  
 grace sublime, Nous puissions tous-  
 iours embrasser, ensuyure ce qui con-

29  
duit à salut, & finalement que puis-  
sions iouyr perpetuellement; avec les  
bien-heureux: de la vision diuine. Ainsi  
soit il, *Donné* à Paris, le quatriesme de  
Septembre, l'an de l'Enfantement Vir-  
ginal, mil cinq cens quatre vingt &  
neuf.

Vostre tres-humble, & tres-  
obeissant seruiteur,  
**IACQUES BARON.**







